

ხელშეკრულება №28

სახელმწიფო შესყიდვის შესახებ

ქ. ბათუმი

„7“ თებერვალი 2018 წელი

ერთი მხრივ, ა(ა)იპ ბათუმის საბავშვო ბაღების გაერთიანება შემდგომში - „შემსყიდველი“, წარმოდგენილი მისი დირექტორის მოვალეობის შემსრულებლის მამუკა შამილიშვილის სახით და მეორე მხრივ, შპს „სანტექ. სერვისი“ შემდგომში - „მიმწოდებელი“, წარმოდგენილი მისი დირექტორის ზვიად სამუშიას სახით სახელმწიფო შესყიდვების მარეგულირებელი კანონმდებლობისა და მიმწოდებლის სატენდერო წინადადების საფუძველზე, SPA180000444 ელექტრონული ტენდერის ჩატარების შედეგად ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანს წარმოადგენს საბავშვო ბაღებში არსებული საკანალიზაციო ჭებიდან სპეციალიზებული (ასენიზაციის) ავტომატური ფეკალური მასის ამოღებისა/ამოტუმბვისა და გატანის მომსახურება (CPV - 90450000) (შემდგომში - „მომსახურება“);

2. ხელშეკრულების ღირებულება

2.1. ხელშეკრულების საორიენტაციო ღირებულება შეადგენს 38 500 (ოცდათვრამეტი ათას ხუთასი) ლარს.

2.2. 1 კბ/მ მასის ამოღებისა/ამოტუმბვისა და გატანის მომსახურების (პრეისკურანტის) ღირებულება შეადგენს 14,50 (თოთხმეტი და ორმოცდათი) ლარს.

2.3. ხელშეკრულების საერთო ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით „მიმწოდებლის“ მიერ გაწეულ ყველა ხარჯს.

3. ანგარიშსწორების ფორმა და ვადები

3.1. მიმწოდებელთან ანგარიშსწორება შემსყიდველის მიერ განხორციელდება უნაღდო ანგარიშსწორების ფორმით ეროვნულ ვალუტაში (ლარი).

3.2. მიმწოდებელთან ანგარიშსწორება შემსყიდველის მიერ განხორციელდება ეტაპობრივად, ხელშეკრულებით გათვალისწინებული მომსახურების გაწევისა და საბოლოო მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

4. მიღება-ჩაბარების წესი

4.1. გაწეული მომსახურების მიღება ფორმდება მიღება-ჩაბარების აქტით, რომელიც გაფორმდება, მიმწოდებლის მიერ მომსახურების მიწოდების შემდეგ და დასტურდება შემსყიდველისა და მიმწოდებლის საამისოდ უფლებამოსილი წარმომადგენლების ხელმოწერებით.

5. მომსახურების გაწევის ფორმა, ადგილი და ვადა

5.1 მომსახურების გაწევა განხორციელდება ხელშეკრულების დადებიდან 2018 წლის 31 დეკემბრამდე;

5.2 მომსახურების გაწევა განხორციელდება შემსყიდველის მოთხოვნის შესაბამისად, შეკვეთების სავარაუდო სიხშირე: კვირაში 10-15 გატანა.

5.3 მომსახურების გაწევა განხორციელდება შეკვეთის მიღებიდან არაუგვიანეს მეორე დღისა.

5.4 მიმწოდებელმა უნდა უზრუნველყოს ერთდროულად არანაკლებ 3 კბ/მ მასის გატანა.

5.5 მომსახურების გაწევა განხორციელდება ქ. ბათუმის ტერიტორიაზე მდებარე ოთხ საბავშვო ბაღში:

- ა) საბავშვო ბაღი N24 - ქ. ბათუმი, სამრეწველო უბანი, ფ.ხალვაშის გამზირი N318;
- ბ) საბავშვო ბაღი N25 - ქ. ბათუმი, კახაბრის უბანი;
- გ) საბავშვო ბაღი N28 - ქ. ბათუმი, კოტე აფხაზის ქ. 4, ადლიის დასახლება;
- დ) საბავშვო ბაღი N32 - ქ. ბათუმი, კახაბრის დასახლება, ფრიდონ ხალვაშის II ჩიხი;

6. მხარეთა უფლება-მოვალეობები

6.1. შემსყიდველი უფლებამოსილია:

6.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6.1.2. მომსახურების გაწევის დასრულებამდე გამოითხოვოს მიმწოდებლისაგან მომსახურების მიწოდებასთან დაკავშირებული მისთვის საჭირო დოკუმენტი.

6.2. შემსყიდველი ვალდებულია:

6.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობებით.

6.2.2. უზრუნველყოს გაწეული მომსახურების მიღება, ხელშეკრულებით გათვალისწინებული პირობებით.

6.3. მიმწოდებელი უფლებამოსილია:

6.3.1. მიმწოდებელს უფლება აქვს მოსთხოვოს შემსყიდველს გაწეული მომსახურების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

6.4.1. დაიცვას ხელშეკრულებით გათვალისწინებული ყველა პირობა.

6.4.2. უზრუნველყოს მომსახურების გაწევა სათანადო ხარისხითა და სრული მოცულობით, იმ ვადაში, რომელიც დადგენილია ამ ხელშეკრულებით.

7. ხელშეკრულების შესრულების კონტროლი

7.1. ხელშეკრულების შესრულების კონტროლი გულისხმობს შემსყიდველის მიერ მიმწოდებლის მიერ ხელშეკრულების პირობების შესრულების, აგრეთვე გასაწევი მომსახურების ხარისხის კონტროლს.

7.2. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8. პირგასამტეხლო ხელშეკრულების პირობების შეუსრულებლობისათვის

8.1. მიმწოდებლის მიერ წინამდებარე ხელშეკრულებით ნაკისრი ვალდებულებების შესრულების ვადის გადაცილების შემთხვევაში დაეკისრება პირგასამტეხლო, ყოველ ვადაგადაცილებულ დღეზე შეუსრულებელი ვალდებულების შესაბამისი ღირებულების 0,02%-ის ოდენობით;

8.2. მიმწოდებელს, ხელშეკრულების ნაწილობრივ შესრულების შემთხვევაში დაეკისრება პირგასამტეხლო, შესასრულებელი (დარჩენილი) ვალდებულების შესაბამისი ღირებულების 10%-ის ოდენობით;

8.3. მიმწოდებელს, ხელშეკრულების პირობების შეუსრულებლობისათვის დაეკისრება პირგასამტეხლო, ხელშეკრულების საერთო ღირებულების 20%-ის ოდენობით;

9. ხელშეკრულებაში ცვლილებების შეტანა

9.1. ნებისმიერი ცვლილება წინამდებარე ხელშეკრულებაში განხორციელდება წერილობით, მხარეთა შეთანხმების საფუძველზე, მხოლოდ ორივე მხარის უფლებამოსილი წარმომადგენლის ხელმოწერით.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატიური ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10. ხელშეკრულების შეწყვეტა

10.1. წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად თუ მეორე მხარე არ ასრულებს ან არა ჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხილება და დარღვევის გამოსასწორებლად განესაზღვრა დამატებითი ვადა არანაკლებ 5 დღის ოდენობით.

10.2. შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლისა ან/და ზიანის ანაზღაურება.

10.3. მხარე ვალდებულია არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების ცალმხრივად შეწყვეტის განზრახვის შესახებ.

11. დავების გადაწყვეტა

11.1. ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

12. დაუძლეველი ძალა

12.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს ცალმხრივად შეწყვიტოს ხელშეკრულება.

13. სხვა პირობები

13.1 ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე შემსყიდველს.

14. ხელშეკრულების მოქმედების ვადა

14.1. წინამდებარე ხელშეკრულება ძალაშია: 2018 წლის 7 თებერვლიდან - 2019 წლის 31 იანვრამდე;

15. მხარეთა რეკვიზიტები

შემსყიდველი:

ა(ა)იპ „ბათუმის საბავშვო ბაღების გაერთიანება“

მის: ქ. ბათუმი, პ. მელიქიშვილის ქ N42

საიდენტიფიკაციო კოდი: 445 393 510

სახელმწიფო ხაზინა

TRESGE22

ა/ნ 740737005

მიმწოდებელი:

შპს „სანტექ. სერვისი“

მის: თბილისი, ნუცუბიძის ფერდ. 4მკ/რ 19ა კოპე

საიდენტიფიკაციო კოდი: 404 925 836

ბანკი: სს „თიბისი ბანკი“

ბანკის კოდი: TBCBGE22

ა/ნ GE68TB7072436080100003



მამუკა შამილიშვილი



ზვიად სამუშია

ინფორმაცია ინტერესთა კონფლიქტის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ხელის მოწერით ვადასტურებ, რომ ა(ა)იპ „ბათუმის საბავშვო ბაღების გაერთიანების მიერ საბავშვო ბაღებში არსებული საკანალიზაციო ჭებიდან სპეციალიზებული (ასენიზაციის) ავტომატური ფეკალური მასის ამოღების/ამოტუმბვისა და გატანის მომსახურების შესყიდვის მიზნით შპს „სანტექ. სერვისთან“ 2018 წლის 7 თებერვალს დადებული სახელმწიფო შესყიდვის შესახებ N28 ხელშეკრულების ინსპექტირებისა და ზედამხედველობის პროცედურებში ჩემი მონაწილეობა არ იწვევს ინტერესთა კონფლიქტს.

მატერიალურ-ტექნიკური განყოფილების უფროსი  ჯაბა ცხადაძე